

澤州府志

耕藉 老農 蠲免 賑卹 養老 囚糧

匠價均攤

農田之興生人之大命也石民以之而荒良農以之而治有載師而天下無不畊之地有闔師而天下無不耕之人皇上重農貴粟躬耕藉田俾天下郡縣守令亦舉是禮實古聖王勤卹勞來之盛心時而荒有免饑有賑冠帶以勸相肉帛以慈惠有加無已醞釀太和我民生其時有弗鼓舞力穡以詠歌勤苦者乎故凡政典具載於篇

耕藉

雍正四年八月欽奉

上諭令地方守土之官俱行耕藉之禮照九卿所耕藉田四

澤州府志

卷之二十五 老農

畝九分設立

先農壇于雍正五年為始每歲仲春亥日舉行九推祭禮儀如社稷壇府城知府秉耒佐貳執青箱知縣播種耆老一人牽牛農夫二人扶犁九推九返農夫終畝

老農

雍正二年歲舉老農

鳳臺縣張經文 高平縣李中和

陽城縣閻晉賢 陵川縣武倬

雍正三年歲舉老農

鳳臺縣盧文魁 高平縣張耿

陽城縣宋繼志 陵川縣劉英

沁水縣王樹漢

雍正四年歲舉老農

鳳臺縣母成玉

高平縣史 鑑

陽城縣劉 璧

陵川縣王承祥

沁水縣任三裕

雍正五年歲舉老農

鳳臺縣時大受

高平縣李 平

陽城縣成 實

陵川縣劉含春

沁水縣譚廷掄

雍正六年歲舉老農

高平縣牛 銳

雍正七年六月二十一日奉文定例三年一舉

雍正九年歲舉老農

澤州府志

卷之二十五

老農

二

鳳臺縣宋 价

高平縣邵文會

陽城縣宋景亨

陵川縣傅 銀

沁水縣李完正

恩舉老農

雍正九年十一月奉文為

聖德之格被靡涯

上天之嘉應叠見等事內議得雍正七年十二月內山西巡

撫覺羅石 奏報慶雲呈瑞一疏欽奉

諭旨令各州縣於常例歲舉老農外再舉一人給以八品頂

帶以示朕褒嘉善俗廣布恩膏之至意欽此

鳳臺縣任永賢

高平縣邢 瑗

陽城縣靳弘成

陵川縣馬 傑

沁水縣李珍如

雍正十二年歲舉老農

鳳臺縣田承綸

高平縣邢銳

陽城縣張承寵

陵川縣張昌祚

沁水縣賈毓周

蠲免

康熙三十一年

上諭諭戶部山西平陽府澤州沁州所屬地方前因蝗旱災傷民生困苦已經蠲免額賦並加賑濟而被荒失業之衆猶未盡覩幹寧其康熙三十年三十一年未完地丁錢糧及借賑銀米若仍令帶徵刻期完納誠恐閭閻力絀益致艱難着將所逋欠錢糧五十八萬一千六百餘兩米豆二萬八千五百八十餘石通行蠲豁用紓民力爾部行文該撫嚴飭該府州縣官悉心奉行務俾人沾實惠倘有已完在官捏稱民欠及已奉蠲免仍復重徵官吏作奸侵漁中飽一有發覺定以軍法從事遇赦不宥爾部即遵諭行特諭

澤州府志

卷之二十五

蠲免

三

康熙五十年十月十九日奉

旨五十一年錢糧及歷年舊欠錢糧一槩蠲免

雍正七年九月為欽奉

上諭事蠲免山西省庚戌年額賦四十萬兩澤州府屬共免銀二萬七千六十八兩六錢一分一釐八毫每兩免銀一錢三分三釐七毫九忽內

鳳臺縣蠲免八千三百六十五兩五分九釐八毫

高平縣蠲免七千七百一十九兩九錢一分八釐六毫

陽城縣蠲免四千三百二十二兩六錢七釐七毫

陵川縣蠲免三千八百一十六兩七錢三分一釐六毫

沁水縣蠲免二千八百四十四兩一錢九分四釐一毫

雍正七年十一月爲欽奉

上諭事晉省製辦軍需屈繩民心爭先踴躍趕辦依限告竣
欽奉

恩旨蠲免辛亥年地丁銀二十萬兩澤州府屬共蠲免銀一
萬三千五百三十一兩一錢七分一釐八毫每兩免銀六
分六釐九毫八絲七微五纖七沙二塵三渺二埃四漠內
鳳臺縣蠲免四千一百八十一兩三錢四分五釐三毫
高平縣蠲免三千八百五十七兩四錢一分二釐二毫

澤州府志

卷之二十五

蠲免

四

陽城縣蠲免二千一百六十兩八錢四分六釐九毫

陵川縣蠲免一千九百七兩九分八釐八毫

沁水縣蠲免一千四百二十四兩四錢六分八釐六毫

賑卹

康熙六十年欽奉

上諭事發帑銀二十五萬來晉賑濟時陽城縣饑委高平縣
撥銀四千兩賑濟陽城每大口給銀一錢二分小口給銀
六分賑過銀三千八百三十八兩五錢

養老

雍正元年欽奉

恩詔事賞給七十以上程以仁等共二千二百三十二名八
十以上老民徐崑等一百八十一名每名給絹一疋折銀

八錢棉一斤折銀八分肉十斤折銀二錢五分米一石折銀五錢四分九十以上老民晉程等年九十四歲共二名棉肉等各加倍

雍正二年賞給老婦七十以上秦門段氏等六百五十一名八十以上張門茹氏等共二百七十二名每名給絹一疋米一石九十以上老婦聶門郭氏等共六名加倍

囚糧

雍正十二年請設囚糧事各屬在監囚犯設立口糧燈油柴炭等錢文

鳳臺縣額設囚糧六十石燈油柴炭等錢三十千文

高平縣額設囚糧四十石燈油柴炭等錢二十千文

陽城縣額設囚糧二十四石燈油柴炭等錢十二千文

澤州府志

卷之二十五

囚糧

五

陵川縣額設囚糧二十四石燈油柴炭等錢十二千文

沁水縣額設囚糧二十四石燈油柴炭等錢十二千文

每名每日給糧一倉升燈油鹽菜等錢五文

額設糧石錢文如有餘剩留爲下年散給不足赴司請領

匠價均攤

雍正六年八月代州申稱爲匠價之苦樂不均貧民之受累無盡詳請均攤立案以免偏枯蓋以額徵項下載有匠價銀兩各匠自明季以來歷年久遠老故逃亾者槩於子孫親族及鄉地追賠殊爲苦累今將舊冊開除現應新匠按名均攤如有老故卽行頂補每年於四月中查核奉巡撫覺羅石通查各屬勒石永遠遵行

鳳臺縣匠價一百七十兩五錢五分新匠均攤

高平縣匠價三百九十兩六錢新匠均攤

陽城縣匠價一百三兩五分係舉行頭二名照現應匠役者從公均攤

陵川縣匠價八十八兩二錢詳係各匠交納

沁水縣匠價三十四兩二錢新匠均攤

按匠價於明季時有二一名坐匠附籍大興宛平工部給糧充役一名匠班天下各項工匠量地遠近輪班給役寬裕免罪獨蒙優卹成化二十一年免其赴京當班各輪匠價於是乎有匠班一項查江西匠班派入地丁浙江湖廣派入田畝

